



## Kemenangan Islam Yang Cemerlang

Pada bulan Jun yang lalu, Persatuan Islam Se-Tanah Melayu telah berjaya memenangi pilihanraya di Terengganu dan di Kelantan dan telah pun membentuk Jemaah Menteri di kedua-dua buah negeri Melayu yang bersejarah itu.

Dengan berdasarkan cita-cita Islam yang bernyala-nyala dan kebangsaan Melayu yang meluap-luap, yang tersimpul di dalam suatu ikatan yang kukuh, iaitu: "Satu Negara: Negara Melayu, Satu Bangsa: Bangsa Melayu, dan Satu Bahasa: Bahasa Melayu", Persatuan Islam Se-Tanah Melayu telah berjaya merebut dua buah negeri yang menjadi tulang belakang Pantai Timur itu.

Kalau di Terengganu "PAS" telah memenangi 13 daripada 20 buah kawasan pilihanraya maka di Kelantan "PAS" telah berjaya menyapu bersih seluruh kawasan pilihanraya yang sebanyak 30 buah itu dikecualikan 2 di antaranya yang telah tercincir dan jatuh ke tangan "Perikatan".

## Keterangan Gambar Kulit

**Al-Ustādh Mahfuz bin Jam'an bin Ghodal yang terkenal di sini dengan nama Ustaz Mahfuz**

**Sulawesi ialah lepasan Madrasah al-Khayrāt al-Islāmiyyah di negeri Palu, Kabupaten, Donggala,**

**Sulawesi Tengah – Indonesia.**

**Perguruan Islam ini didirikan dan dipimpin oleh Yang Mulia al-'Ālim al-'Allāmah al-Sayyid**

**'Idrus ibn Sālim ibn 'Alwī al-Jufrī semenjak tahun 1930.**

**Perguruan Islam ini mempunyai lebih dari 50 cabang di seluruh Indonesia Timur, dan berjasa besar dalam memerangi dakyah *Catholic* dan *Protestant* yang bermaharajalela dalam masa mendiang**

**Belanda dahulu. Demikian juga telah dapat menghapuskan kepercayaan kepada takhyul-takhyul dan khurafat dari akar-akarnya dengan usaha mubaligh-mubaligh Islam keluaran madrasah ini.**

**Ustaz Mahfuz ialah pembantu kepada direktornya al-Hāj Rustam bin al-Hāj Arshad, sambil merangkap Ketua Satu Pengurus madrasah tersebut di bawah Ketua Umumnya al-Sayyid Abdul Rahman bin Syeikh al-Jufrī, dan Presiden Direktor al-'Ālim al-'Allāmah al-Sayyid 'Idrus bin Salim al-Jufrī.**

**Demikian sekadar memperkenalkan al-Fādil al-Ustādh Mahfuz.**